

post singulas coctiones nova semper obtinebitur dicti pulveris portio, quæ portiones omnes, ut supra monitum, tractandæ, tandem commiscendæ, & servandæ.

### LAPIS CAUSTICUS.

℞. Calcis vivæ part. iij.

Extinguantur cum sufficienti quantitate aquæ, cui injice

Cinerum Clavellatorum depuratorum part. j.

Miscela moveatur bacillo ligneo, & filtretur per chartam bibulam. Lixivium inspissetur in sartagine ferrea in massam salinam, omni aqua orbatam, quæ, dum super igne iterum fluit, illico effundatur, vel in modulos, vel super laminam frigidam. Indurata & adhuc calida citissime indatur vitro exactissime claudendo.

### LAPIS INFERNALIS.

℞. Argenti cupellati limati q. pl.

Dissolvatur in Aquæ fortis purissimæ sufficienti quantitate.

Evaporetur leni calore ad medietatem. Ex frigefacta solutione tollantur crystalli, & ser-

ferventur. Sic pergitur in evaporatione repetita, donec omne argentum in crystallos coiverit. Has omnes crystallos injice in crucibulum, evapora denuo ad ficcitatem lenissimo calore; simul ac iterum fluit massa, effundatur in modulum calefactum seboque illitum. Refrigeratus lapis eximatur, & servetur in vase bene clauso.

### LIMATURÆ MARTIS

#### SELECTIO.

Æ Martis Limatura vulgari extrahantur ope Magnetis ramenta ferri ita, ut hac methodo a particulis aut cupri, aut aurichalci, aliisque quisquillis liberentur, quæ dein in pulverem subtilem redigantur.

### LIQUAMEN HEPATIS MUSTELÆ

#### FLUVIATILIS.

Hepar Mustelæ fluviatilis contritum ac faculo lineo inclusum suspende in vitro oblongo, hoc impone cineribus calidis, & videbis hepar sensim diffuens stillare in vitrum suppositum, quod serva.

## LIQUAMEN, seu OLEUM MYRRHÆ

PER DELIQUIUM.

℞. Myrrhæ pulveratæ q. pl.

Misceatur cum dupla portione Albuminis Ovi ad duritiem cocti, & minutim contriti; miscela hæc pauca irroretur aqua calida, & sacco lineo inclusa suspendatur in loco humido: Myrrha hac ratione liquefacta in vitrum sacco suppositum depluet. Singulis unciis hujus liquoris adde conservationis gratia, ne mucorem contrahat, Spiritus Vini dr. j. Et serva.

## LIQUOR ANODYNUS MINERALIS.

℞. Olei vitrioli optimi libr. j.

Spiritus Vini rectificati libr. iij.

Oleum Vitrioli instilletur Spiritui Vini, relinquatur miscela per aliquot horas in quiete, dein destillando abstrahantur circiter libræ duæ, cessandum videlicet a destillatione, antequam Spiritus sulphureus volatilis prodire incipit.

LIQUOR CORNU CERVI

SUCCINATUS.

℞. Salis Succini volatilil q. pl.

Aquæ communis q. s. pro salis frigida solutione.

Saturetur Spiritu Cornu Cervi rectificato, interdum bacillo agitando, donec non amplius effervescent.

Et liquorem serva.

LIQUOR MERCURIALIS

*sive*

AQUA PHAGEDÆNICA.

℞. Mercurii sublimati corrosivi dr. j.

Terendo in mortario vitreo adfunde successe

Aquæ Calcis vivæ recenter paratæ libr. j.

Misturam serva in lagena vitrea.

LIQUOR SEU SAL VOLATILIS

OLEOSUS.

℞. Spiritus aromatici libr. ij.

Salis ammoniaci vinosi libr. β.

Olei

Olei Caryophyllorum dr. ij.

Macis dr. j.

Cinnamomi dr. β.

Misceantur.

## LIQUOR SALIS TARTARI

*sive*

OLEUM TARTARI PER DELIQUIUM.

℞. Salis Tartari quantum libet

Indatur sacco linteo conico, & in loco humido suspendatur, ut deliquescendo in vas suppositum depluere valeat.

Idem Liquor loco LIQUORIS NITRI FIXI adhiberi potest.

## LIQUOR SAPONATUS

*sive*

AQUA OPHTHALMICA

*cum Sapone.*

℞. Vitrioli albi unc. β.

Saponis Veneti dr. iij.

Aquæ fontanæ libr. ij.

Co-

Coquantur in vase terreo ad consumptionem quartæ partis, ut libra una & dimidia remaneat; refrigeratus dein liquor filtretur, & fervetur.

LIQUOR TERRÆ FOLIATÆ

TARTARI

*vide sub processu*

TERRÆ FOLIATÆ TARTARI.

LIQUOR VISCERALIS.

℞. Extracti Chamædryos.

Cichorei.

Trifolii Fibrini.

Martis pomati ana dr. iij.

Spiritus Nitri dulcis.

Essentiæ Corticum Aurantium ana unc. ij.

Aquæ Corticum Citri unc. vj.

Stent in loco temperato ad Extractorum solutionem, & liquor filtretur ac fervetur.

LOOCH

## LOOCH DE PULMONE VULPIS

*idem ac*

ELECTUARIUM PECTORALE.

## (\*) LOOCH SANUM ET EXPERTUM.

Fieri potest ex tempore, excipiendo videlicet SPECIES DIAIREOS sufficiente quantitate EMULSIONIS AMYGDALINÆ cum AQUA FOENICULI recenter factæ in formam Eclegmatis paulo spiffiorem; ne diutius ejusmodi mistio affervata, ut communiter accidere solet, acefcat.

## MAGISTERIUM BISMUTHI.

℞. Bismuthi q. v.

Solve fucceffive in quinque, aut fex partibus Spiritus Nitri puri. Solutionem dilue multa aqua pura, & præceps ruet Bismuthum forma pulveris candidiffimi, quem aqua pura aliquoties, & ab omni acredine optime ablutum & exficcatum in vase bene claufo afferva.

MAGI-